

## ՀԱՇՎԵՏՎՈՒԹՅՈՒՆ

Քենիայի Հանրապետություն (Նայրոբի) գործուղման արդյունքների մասին

**1. Անունը, ազգանունը.**

Զարուհի Բաթոյան

**2. Զբաղեցրած պաշտոնը.**

Աշխատանքի և սոցիալական հարցերի նախարար

**3. Գործուղման վայրը և ժամկետները.**

Քենիայի Հանրապետություն (Նայրոբի), 2019 թվականի նոյեմբերի 11-15-ը

**4. Հրավիրող կողմը.**

Քենիայի և Դանիայի կառավարություններն ու ՄԱԿ-ի Բնակչության հիմնադրամ

**5. Գործուղման նպատակը /աշխատանքային ո՞ր խնդրի լուծման համար էր նախատեսված գործուղումը/.**

Քենիայի և Դանիայի կառավարությունների ու ՄԱԿ-ի Բնակչության հիմնադրամի կողմից (ՄԱԲՀ) Քենիայի մայրաքաղաք Նայրոբիում կազմակերպված բարձր մակարդակի քաղաքական գագաթնաժողովին մասնակցելու նպատակով:

**6. Քննարկված թեմաները.**

Գագաթնաժողովում քննարկվել են հինգ հիմնական հարցեր. սեռական և վերարտադրողական առողջությունը՝ որպես համընդհանուր առողջապահական ծածկույթի մաս, 1994 թվականին Կահիրեում Բնակչության և զարգացման միջազգային համաժողովում (ԲԶՄՀ) 179 կառավարությունների կողմից համաձայնեցված և 2019 թվականին քաղաքական հռչակագրով միաձայն հաստատված Գործողությունների ծրագրի բոլոր նպատակները կյանքի կոչելու համար անհրաժեշտ ֆինանսավորումը, ժողովրդագրական բազմազանությունը և տնտեսական աճն ու կայուն զարգացումն առաջ մղելու նրա ուժը, գենդերային բռնությանը և վնասակար գործելակերպերին վերջ դնելու քայլերը, ինչպես նաև

սեռական և վերարտադրողական առողջության պահպանման իրավունքը՝ նույնիսկ մարդասիրական և վտանգավոր համատեքստերում:

Նայրոբիի գազաթնաժողովը նպատակ ուներ մոբիլիզացնելու աշխարհի երկրների քաղաքական կամքը և ֆինանսական հանձնառությունները, որոնք անհրաժեշտ են 1994 թվականին Կահիրեում Բնակչության և զարգացման միջազգային համաժողովում (ԲԶՄՀ) 179 կառավարությունների կողմից համաձայնեցված և 2019 թվականին քաղաքական հռչակագրով միաձայն հաստատված Գործողությունների ծրագիրը հրատապորեն վերջնականապես և ամբողջությամբ իրականացնելու համար:

## **7. Հանդիպումները, ելույթները, բարձրացված կամ քննարկված հարցերը.**

Նայրոբիի գազաթնաժողովին երկու ելույթ եմ ունեցել:

### **1) Ներկայացրել եմ Հայաստանի հանձնառությունները, որոնք իրավական առումով պարտադիր չեն:**

*1. Սեռական և գենդերային հիմքով պայմանավորված բռնության դեպքերի նվազում, այդ թվում երեխաների նկատմամբ՝ ապահովելու անձանց որպես փոփոխության սուբյեկտներ իրացնելու իրենց ներուժը հասարակության և Կենտրոնի մեջ.*

- *Ընդհանրական բռնության մասին օրենքում փոփոխություն, ընդհանրական բռնության օրենքի հիման վրա մշակված գործողությունների պլան մինչև 2022 թ.,*
- *Մինչև 2030 թ. ընդհանրական բռնության զոհերի համար նախատեսված չորս կացարաններ,*
- *Գործող ընդհանրական բռնության զոհերի աջակցման մարզային 10 կենտրոններ մինչև 2020 թ.,*
- *«Սեռական շահագործումից և սեռական բնույթի բռնություններից երեխաների պաշտպանության մասին» Եվրոպայի խորհրդի կոնվենցիայի վավերացում Ազգային ժողովի կողմից մինչև 2022 թ.:*

*2. Տեղական բյուջեներից ավելացնել ֆինանսավորումը, ինչպես նաև խթանել նոր և նորարարական գործիքների ու կառույցների ստեղծումը՝ Բնակչության և զարգացման միջազգային համաժողովում (ԲԶՄՀ) 179 կառավարությունների*

կողմից համաձայնեցված գործողությունների ծրագիրն առավել ամբողջական, արդյունավետ և արագացված տեմպով իրականացնելու նպատակով.

- Ժողովրդագրական իրավիճակի բարելավմանն ուղղված ազգային ռազմավարությունն ընդունված մինչև 2020 թ.,
- Ակտիվ և առողջ ծերացման ռազմավարությունը և միջոցառումների ծրագիրն ուժի մեջ է մտնում 2022 թ.,
- Բոլոր ծրագրերի գենդերազգային բյուջեարավորում 2021 թ.-ից (իսկ 2020 թ.-ից փորձարկված 10 ծրագրեր),
- Համընդհանուր կրթության չափորոշիչների վերանայման ընթացքում ավելացնել գենդերային հասկացությունները, ներդնել առարկայացանկում, վերանայել դասագրքերի բովանդակությունը գենդերազգայինության տեսանկյունից:

3. Բարելավել ժողովրդագրական դիվիդենդը՝ ավելացնելով չափահասների և երիտասարդների համար աշխատանքի ընդունվելու հնարավորությունները.

- 2020-23 թթ. Զբաղվածության ռազմավարությունը ընդունված մինչև 2020 թ.,
- Առաջին անգամ աշխատանք փնտրողների համար՝ 2021 թ. պետական բյուջեից ֆինանսավորված ծրագրեր՝ նրանց մուտքն աշխատաշուկա խթանելու նպատակով.,
- Աշխատանքի էլենտրոնային հարթակ մինչև 2023 թ.,
- Անմրցունակ և/կամ սահմանափակ հմտություններ ունեցող երիտասարդ մայրերի համար կրթական ծրագրեր՝ աշխատաշուկայում ներգրավելու համար մինչև 2023 թ.:

4. Կառուցելով խաղաղարար, արդար և ներառական հասարակություններ, որտեղ բոլորը՝ երիտասարդ և տարեց, հաշմանդամություն ունեցող մարդիկ, ազգային փոքրամասնություններ մասնակցում են հասարակության կառուցմանը, զգում են գնահատված, հնարավորություն ունեն անկախ տնօրինելու իրենց կյանքը և մասնակցելու հասարակության համընդհանուր բարգավաճմանը:

- Ապահովելով սոցիալական ամբողջական ներառում, կարիքների գնահատում և անհատական սոցիալական ծրագրերի ներդրում և իրականացում՝ անդրադառնալու տարեց կանանց, հաշմանդամություն ունեցող կանանց, ազգային փոքրամասնության կանանց հարցերին մինչև 2025 թ.:
- ՄԱԿ 1325 միջոցառումների ծրագրի իրականացում մինչև 2021 թ.՝ սահմանամերձ շրջաններում ապրող աջիկների և կանանց կարիքների

զնահատում և կարիքի վրա հիմնված ծառայությունների ներդրում, նրանց դերի ուժեղացում:

- 2) Ելույթ եմ ունեցել թեմատիկ խմբի քննարկմանը՝ անդարդառնալով Հայաստանում սեռով պայմանավորված հղիության ընդհատումների և նորածինների սեռային հարաբերակցության խնդրին:

Ելույթի տեքստը ստորև՝

«Հայաստանի Հանրապետության կառավարության անունից կցանկանայի շնորհակալություն հայտնել ՄԱԿ-ի Բնակչության հիմնադրամին, Քենիայի Հանրապետության և Դանիայի Թագավորության կառավարություններին՝ գազաթնաժողովին մասնակցելու հրավերի և միջոցառման գերազանց կազմակերպման համար:

Ինձ համար մեծ պատիվ է Ձեզ հետ կիսել վերջին մի քանի տարիների մեր ձեռքբերումները և այն մարտահրավերները, որոնք պատրաստվում ենք հաղթահարել:

Հայաստանում մի ասացվածք կա՝ գյուղ կանգնի, գերան կկտորի: Այլ կերպ ասած, եթե մենք միասին ենք, որևէ բան անհնարին չէ: Այսօր կուզենայի պատմել միասնական աշխատանքի մի հաջողված պատմության մասին՝ կանանց և աղջիկների իրավահավասարության մասին:

9 տարի առաջ ՄԱԿ-ի Բնակչության հիմնադրամի հայաստանյան գրասենյակի մեր գործընկերները ահազանգեցին: Նրանք ուսումնասիրել էին պաշտոնական վիճակագրությանը և պարզել, որ 90-ականների սկզբից՝ նորածին տղաների և աղջիկների թվի հարաբերակցության շեղում կա: Եթե այդ տարիներին 102-105 տղայի դիմաց ծնվում էր 100 աղջիկ, ապա 2000-ականների սկզբին այդ տարբերությունը կազմում էր 120 տղայի դիմաց 100 աղջիկ: Այս ցուցանիշով Հայաստանը զբաղեցնում էր երրորդ տեղն աշխարհում:

Ինչպես ցույց էին տալիս ուսումնասիրությունները, պատճառն այն էր, որ նախածննդյան շրջանում սեռի ընտրությունը հանգեցրել էր որդիների նախապատվության և աղջիկների թերազնահատման:

Հայաստանում 2019 թվականի առաջին վեց ամիսների ընթացքում նորածինների սեռերի հարաբերակցությունն այսպիսին է՝ 110 տղայի դիմաց 100 աղջիկ: 2015 թ.-ից հետո գրեթե յուրաքանչյուր տարի այս ցուցանիշը նվազել է մեկ տոկոսային կետով: Հայաստանն այժմ աշխարհում այս դասակարգմամբ հինգերորդ տեղում է:

Սա ինը փարիների շարունակական աշխատանքի արդյունք է, որն ամբողջացրել է խնդիրների վերհանումից մինչև մանրակրկիտ ուսումնասիրության, լայնածավալ քարոզչության և հանրային իրազեկման, տեխնիկական աջակցությանն ուղղված համատեղ ջանքերը:

ՀՀ կառավարությունը սեռով պայմանավորված հղիության ընդհատումները ճանաչել է ազգային գերակայություն, մշակել և 2015 թ.-ին ընդունել նախաձեռնողյան շրջանում պարզի սեռի ընտրությանն ուղղված առաջին ազգային ծրագիրը:

ՄԱԿ-ի Բնակչության հիմնադրամն աջակցեց մեզ ստեղծել դաշինք, որը բաղկացած է Կառավարությունից, քաղաքացիական հասարակության ներկայացուցիչներից, Մարդու իրավունքների պաշտպանի գրասենյակից, հավաքահենք կազմակերպություններից, միջազգային դոնորներից և լրատվամիջոցներից:

Մեր հավաքական աշխատանքի արդյունքում լրատվամիջոցները, հասարակության մի զգալի մասը, միջազգային կազմակերպությունները, Կառավարությունը, խորհրդարանը և եկեղեցին դարձել են մեկ թիմ, որը կանգնած է այս արատավոր սովորության դեմ:

ՄԱԿ Բնակչության հիմնադրամի աջակցությամբ Հայաստանը հաջողությամբ կատարում է իր միջազգային պարտավորությունները՝ ԵԽԽՎ 1829 բանաձևի շրջանակներում:

Հայաստանի Հանրապետությունը վավերացրել է Մարդու իրավունքների վերաբերյալ գրեթե բոլոր հիմնական միջազգային իրավական ակտերը, մասնավորապես՝ գենդերային հիմնախնդիրների վերաբերյալ: Որպես ՄԱԿ-ի ընդանիքի և ԵԽ անդամ, և որպես անկախ պետություն, որը ձգտում է եվրոպական ինտեգրմանը, Հայաստանը ստանձնել է նաև որոշակի պարտավորություններ՝ ազգային օրենսդրությունը ներդաշնակեցնելու այդ իրավական ակտերի հետ:

Հայաստանի Հանրապետության օրենսդրությամբ արգելվում է «գենդերային հիմքով խտրականությունը», իսկ ազգային ընթացիկ քաղաքականությունն ու բարեփոխումները համահունչ են ՄԱԿ-ի Կայուն զարգացման 2030 նպատակների օրակարգին և նպաստում են դրանց, մասնավորապես՝ նպատակ 5-ի իրականացմանը, որը սահմանում է «գենդերային հավասարության հասնելու և բոլոր կանանց և աղջիկներին հզորացնելու» անհրաժեշտությունը:

Տիկնայք և պարոնայք,

Անցյալ փարի գարնանը աշխարհը ականապես եղավ Հայաստանում պատմական փոփոխությունների, որոնք գտնվում էին միջազգային հանրության և լրատվամիջոցների ուշադրության կենտրոնում: Աշխարհի հայերը ներգրավված էին խաղաղության և սիրո հեղափոխության մեջ, ինչը հանգեցրեց իշխանության խաղաղ

փոխանցման: Կանայք, որոնց մեծ մասը երիտասարդ էին, հեղափոխության շարժիչ ուժն էին և ողջ գործընթացի խաղաղ բնույթի պահապանները:

Հայաստանի նոր Կառավարությունը փարբեր առիթներով հայտնել է իր պատրաստակամությունը՝ խրախուսելու երկրում կանանց քաղաքական մասնակցությունը և որոշումների կայացման գործընթացներում նրանց ներգրավվածությունը՝ ոչ միայն ժողովրդավարություն ապահովելու, այլև երկրում կայուն զարգացում ապահովելու և կանանց համար իրենց ներուժի օգտագործման առավելագույն հնարավորությունների ստեղծման համար:

Մենք գիտակցում ենք, որ դեռ երկար ճանապարհ ունենք անցնելու՝ աղջիկների և տղաների հավասար արժևորման և սեռի հարաբերակցության պահպանման համար, սակայն մենք լավատես ենք, քանի որ գիտենք՝ գյուղ կանգնի, գերան կկուրի:

Շնորհակալություն»:

**8. Հանդիպման կամ հավաքի ժամանակ ընդունված որոշումները, պայմանավորվածությունները, ստորագրված փաստաթղթերը.**

Նորվեգիայի կառավարության անդամների և դեսպանի հետ քննարկվել է Հայաստանում սեռով պայմանավորված հղիության ընդհատման կանխարգելման ծրագրին հնարավոր աջակցության հարցը՝ ՄԱԿ-ի բնակչության հիմնադրամի միջոցով, ինչպես նաև սոցիալական ոլորտում փորձի փոխանակման հնարավորությունները:

**9. Ստորագրությունը, ամսաթիվը:**

X

---

Զարուհի Բաթյան, 20.11.2019